

BIBLIOTERA  
SHTETIT

8JH-32  
263.

# MIHALLAQ QILLERI

# DEBIMI I HIJEVE

NOVELE ETREGIME


81H-52

1/1 63

MIHALLAQ QILLERI

# DEBIMI I HIJEVE

*Novelë e tregime*



2101

SHTËPIA BOTUESE «NAIM FRASHËRI»

## KENGË E NGROHUR NËN SHARK

### I

Mëngjesi zbardhi i vrenjtur. Një natë më parë qelli ishte qartësuar, dhe yjet e largëta kishin mbirë në hapësirën blu. Por, kur u gdhi, u pa që dëbora kishte rënë tinëz, kishte shkrirë përsëri dhe vetëm në anët perëndimore të çative kishte lënë gjurmë të bardha. Tani dielli dilte e fshihej prapa reve të mëdha e të zeza që vozisnin në qilli. Më pas gjithçka u errësuar. Frynte erë e lehtë dhe e ftohtë. Dalgandalë mjegulla la malet dhe u shty më poshtë mbi fshat. Era solli me vete një shtrat dëbore kokërrimtë. Julia shikonte nga dritarja se si hidheshin harabelët e vegjël sa nga një plis te tjetri. Gropëzat e tokës së puanar u zbardhën.

Përballë dukej shkolla, dyqani dhe një cep i godinës së furrës. Drurët e gjatë e të zhveshur, me degët që u lëkundeshin lehtë nga era, filluan të vishe-shin ngadalë me dëborë. Një gushkuq qëndroi në parvazin e dritares, cicëriu me ankim dhe fluturoi mbi një degë ferre. Toka u zbardh krejt. Vetëm kërcenjtë e barit të korrur gjatë verës nxinin akoma. Soba kërciste lehtë dhe nën rrathët e sipërm dallo-heshin gjuhëzat e kuqe të flakës. Dhoma ishte errësuar. Julia mënjanoi perdet. Korenti ishte prerë na-

tën. Në sobë drutë e djegur u shembën dhe zjarri u gjallërua akoma më shumë.

Ra zilja e shkollës.

Julia u kujtua se atë orë kishte mësim në klasse n e gjashtë dhe u ngrit të dilte. Dëbora e kishte tërhequr gati si një fëmijë. Në qytetin e saj bregdetar nuk binte kurrë dëborë. E shumta, në dimrat e vështirë, kokërrizat e dendura të breshrit formonin mbi asfaltin e rrugëve një shtresë të hollë, që zhdukej pas disa minutash. Veshi shoshonet, pallton, lidihi pas qafës një shall të leshtë dhe mori çantën. Te pragu i shtëpisë u kujtua për çadrën. Por... Buzëqeshi me vete dhe hodhi hapin e parë. Dëbora kishte nisur të binte flokërendë. Në rrugë gjurmët e saj linin brazda të stërgjatura, ngaqë dëbora ishte akoma shumë e butë.

Oborri i shkollës gumëzhinte. Ajo qëndroi një çast në hyrje të tij. Topat e dëborës fluturonin mbi kokat e nxënësve. Kishte rrezik të thyhej ndonjë xham. Mësuese Julia ishte gati të ndërhynte, që nxënësit të pushonin lojën, por vuri re e habitur se bashkë me ta luanin edhe mësuesit. Maria, për shembull, kishte zënë kokën me duar dhe, me supe të mbledhura, priste që Jani ta godiste me topin e dëborës. Ajo, nga frika, vazhdoi të ecte ngadalë, thuajse tinëz, mirëpo kaloi gjithë oborrin pa u prekur. Pas xhamit të sallës së mësuesve vuri re fytyrën e ngushtë me buzë të mbledhura të mësuesit të letërsisë. Ai, herë pas here, me gishtin dëftues të dorës së djathtë ngrinte syzet e bardha. Julia i pa këto të gjitha vetëm në dy-tri minuta dhe për herë të parë ndjeu një farë keqardhjeje për të; iu duk fare i vemuar mes gjithë asaj hareje që kishte pushtuar shkollën. Sa hapi derën e sallës së mësuesve, pa shpinën

masive të Fatmirit, që ato çaste kishte kryqëzuar duart dhe përplaste lehtë këmbën e majtë. Salla ishte gjysmë e errët. Siç duket, ai nuk e ndjeu që u hap dera, sepse vazhdonte të qëndronte akoma me fytyrë nga dritarja. Pikërisht atë çast një top dëbore kërciti në dritare dhe mësuesi u hodh përpjetë. Julia buzëqeshi.

— Çmenduri!, — klithi befas ai.

— Bukur, hë?, — pyeti atë çast Julia duke qeshur.

Ai u kthyte rrëmbimthi drejt saj dhe rregulloi syzet.

— Bukur?!, — tha pa e dalluar akoma mirë atë që foli. Bardhësia e dëborës i kishte vrarë sytë miopë. Dalngadalë figura që qëndronte përballë tij u lëkund dhe ai shpejt dalloi Julinë. — Ju thatë «bukur»?

— E pse jo?, — vazhdonte të buzëqeshë Julia.

— Vetëm ti nuk paske dalë të luash.

— Të luaj?! Edhe ju... as ju nuk ju pashë...  
Të luaj? — Ai mblođhi buzët me përcëmim.

Ajo iu afrua më pranë.

*Ky djalë, njëzet e shtatë vjeç, trupgjatë, fytrimtë, me flokë të verdhë të shkurtër, që i mbante të krehur përpjetë, kishte ardhur në atë fshat më 30 gusht, një ditë pas Julisë. Pesë vjet me radhë pat dhë-në mësim në qytetin e tij të lindjes dhe tanë e kishin transferuar këtu. Ai erdhi krejt i heshtur, — kishte buzëqeshur vetëm kur i patën thënë se disa net do të flinte së bashku me shokët në një barrakë të bonifikimit, — dhe i heshtur mbeti për pesë muaj me radhë. Flitej se shkruante poezi, por gjatë atyre pesë muajve nuk kishte botuar asnjë. Në dhomë flinte së bashku me dy shokë të tjerë, por gatuante vec, hante ve-*

*tëm në pjatat e tij, pinte ujë me gotën e tij, dhe duhanë e nervozonte. Orët e tij të mësimit ishin një model i përsosur, dhe drejtoresha shpesh druhej të hynte për kontroll tek ai.*

Këto të gjitha Julisë i kaluan nëpër mend vetë-timthi dhe vetëm tani ajo besoi gjithçka. Mund mos të të pëlqejë muhabeti me dy shokë, mund të jesh nazeli në të ngrënë, por mos të të pëlqejë loja e gjithë shkollës, në një ditë aq të bukur, q'dreq poeti të jesh ti?

— Ti duhej të dilje, Miri!, — i tha ajo, duke e kapur lehtë nga cepi i mëngës së palltos. — Është vërtet shumë bukur! Fshati i murmë është zbar-dhur... Ti shkruan dhe...

— Këto i ndiej edhe unë, — u përgjigj ai koku-lur. Kjo vajzë gjithmonë e mundte me logjikën e saj. — Virgjëria e dëborës së parë, ja q'duhet të jetë e bukur. Kurse këta, — ai tregoi me gisht nxënësit që luanin përjashta, — këta e ndyjnë këtë virgjëri... Ja q'desha të them. Ndoshta nuk e shpreha drejt mendi-min... Ju... ti, më kuptove? — Vështroi orën, dhe duke mos mundur të dallonte qartë akrepat, u afroa pranë dritäres. Kërciti një top dëbore. Kësaj radhe xhami krisi dhe në sipërfaqen e tij shkanë rrëke me copëza dëbore të butë.

— Vandalizëm!, — klithi përsëri mësuesi i letërsisë. — Po tani? Kush e ka shërbimin sot, xhanëm? Pse nuk i bien ziles? Kaloi dy minuta!

Julia i ktheu shpinën dhe doli. Në korridor, mbi një tavolinë, ishte vendosur zilja e shkollës, një zile e vogël bronci. Ajo i ra. Tingujt shtuan një çast zhurmën e nxënësve, që shpejtonin të hidhnin, kush e kush më parë, topat e fundit të dëborës... Pastaj ra qetësi... Dëbora vazhdonte të binte flokërendë.

## II.

Pas mësimit Fatmiri doli i fundit nga shkolla. Zbriti deri afër xhadesë së makinës, pastaj iu kthyen mendja dhe nisi të ngjitej në pjerrësinë e një kodre. Atje dëbora kishte krijuar togje të mëdha mbi përralllet e shkurtra dhe bardhësia të merrete sytë. Fatmiri qëndroi disa minuta duke vështruar peisazhin. Pastaj, me bishtin e çadrës vizatoi në dëborë dy iniciatet e emrit të tij. Këtë e bëri aq i druajtur, sa më pas u pendua që cënoi bardhësinë.

Në dhomë, Jani kishte ndezur zjarrin në oxhak dhe po skuqte vezë. Ja, kështu i ndodhë gjithmonë. Fatmiri do të mbetej i fundit për të gatuar. Ndërkohë shtrihej në krevat dhe lexonte diçka. Por atë ditë nuk i pëlqente të shtrihej. Doli përsëri jashtë. Që në prag të derës vuri re se si lugjet e tjegullave të çatisë kishin nisur të formonin stalaktite të akullta. Gorrica, atje tej, ishte rënduar aq shumë me dëborë, sa ngjante me një çadër të bardhë.

— Mbarova!, — tha Jani, duke i rënë lehtë në sup. — Eja të gatuash. Zjarr ka plot.

— Po, — iu përgjigj ai pa kthyer kurrizin.

Gjysmë ore më vonë ai ishte shtrirë në krevat dhe shikonte tavanin me duar të kryqëzuara nën kokë. I pëlqente kjo qetësi, që pushtonte aq rrallë dhomën e tyre. Zakonisht aty bëhej zhurmë dhe ai inatosej për hiçgjë. Jani me Gjarin i dukeshin tipa tè pér të ekzaltuar, që grindeshin për gjëra të vogla. Natyrisht që, nga të dy, Jani i pëlqente më shumë. Të paktën, ai lexonte letërsi artistike dhe kjo për Fatmirin kishte shumë rëndësi. Sa për Gjarin, ai dukej sikur nuk çante kokën për asgjë më shumë sesa për orët e mësimit. Thuajse gati çdo ditë zhdukej

nga dhoma dhe, kur kthehej, tregonte ndodhira nga jeta e fshatit. Kishte raste kur në dhomën e tyre vinin edhe vajzat. Maria i ngjante Gjarit, ndërsa me Julinë ndryshonte puna. Ai e ndiente se ajo kishte një zemër të butë e të bardhë, «ja, ashtu si dëbora», mendoi Fatmiri. Megjithatë edhe asaj sikur i pëlqente zhurma, sepse të qeshurën e kishte në majë të buzëve.

Ai u kthye përmbyss. Mbi kokë të krevatit ishte dritarja e vogël me dy shufra hekuri paralele. Dikur këtu ishte shkolla e vjetër, vetëm me dy klasa kolektive, ndërsa tani që u bë e reja, njëren nga dhomat ua liruan arsimtarëve. Kurse vajzat flinin në një familje të fshatit. Nga dritarja ai po shikonte tani vi-jen e pérthyer të kodrës, ku ishte ngritur njëra nga lagjet e sipërme. Konturi ishte fare i zbetë, sepse korda dhe qelli kishin gati të njëjtën ngjyrë. Ja, të rrige kështu, shtrirë, dhe të mendoje... të mendoje... të mendoje pa pushim, ishte padyshim kënaqësia më e madhe.

Fatmiri ndjeu se Jani u ngrit nga shtrati. Zgjati dorën dhe mori nga parvazi i drirates syzet. Pa se si ai veshi këpucët, pallton, lëmoi me dorë flokët e verdhë dhe u pa në pasqyrën mbi oxhak.

— Unë po dal, — i tha ai Fatmirit. — Në vatrën e kulturës bëhen provat për festivalin. Fillojnë në orën katër. Nuk do të vish?

— Jo, — iu përgjigj shkurt Fatmiri.

Jani hapi derën. Në prag të saj qëndroi gjatë me duar në xhepa, duke vështruar diçka përtej oborrit.

— Po zbresin edhe vajzat, — tha ai.

Si nuk mori përgjigje, mbylli derën dhe doli.

Tani po! Mund të rrije dy a tri orë fare i qetë.

Të lexoje pa të shqetësuar njeri. Bile dhe mund të shkruaje. Kjo bardhësi dëbore, ku nuk dallohej asnjë gjurmë, kishte në vetvete diçka nga qetësia e shpirtit. Mendimi nuk përplaset gjékundi; vetëm fluturon, ulet e ngrihet, dridhet e ngrohet, kënaqet e hidhërohet... Vetmi... Por befas ai u drodh. «Jo! Kjo nuk bën pjesë në natyrën njerëzore. Gjersa rreh një zemër, shfryr një vullkan», — tha ai me vete. Ky mendim iu duk i saktë dhe shpejtoi ta shënonte. Në të thelluarën e dritares ishin rradhitur librat dhe fletoret e tij. Blloku i shënimave me kapakë blu ishte në cepin tjetër. Zgjati dorën dhe e mori.

Befas dikush trokiti në derë. Fatmiri futi shpejt e shpejt nën jastëk blokun e vogël dhe u kthyte në njërin krah. Kushdo që të ishte, atij nuk i pëlqente kjo vizitë. Për disa sekonda me radhë heshti. Trokitën përsëri. Pastaj dera u hap dhe në prag të saj u dha Petriti, elektricisti i fshatit. Ai buzëqeshi që atje tej. Zgjati dorën dhe rrrotulloi çelësin e dritave. Dhoma u ndriçua.

- Si u ngryse, profesor?, — tha Petriti.
- Mirë.
- Të qenka shuar fare edhe zjarri! Nuk mbërdhin?

— Jo.

Petriti fërkoi duart. Ishte lagur. Opingat i llokoçitnin, dhe që atje tej mund t'ia dalloje pantaloni e lagura. Mbi vetullën e djathëtë kishte zënë vend një flokëz dëbore që i rëndonte shikimin. Ai ishte një burrë trupvogël rreth të tridhjetave, i dobët, një grusht njeri, siç thoshte vetë, kurse Gjari mendonte se nuk duhej të peshonte më shumë se një thes me çimento. Po ishte shpuzë! Ja, tani kushedi se nga vinte. Linjat elektrike zgjateshin mbi një re-

liev tepër të thyer dhe, që të vërtetonte difektin, duhej të ngjiste dhe të zbriste shumë kilometra rrugë. Dhe në dimër kjo ndodhë shpesh. Në verë ndryshonte puna, ndaj edhe fshati i kishte ngarkuar edhe vatrën e kulturës.

Tërhoqi me zhurmë një karrige dhe e vendosi pranë oxhakut. Mblodhi njérën mbi tjetrën copat e druve të mbeturat në vatër dhe me majën e gishtit grumbulloj një e nga një thëngjijtë e ndezur poshtë tyre. Pastaj u fryu e u fryu, derisa zjarri u ndez. Gjithë këtë punë e bëri pa folur. Kur flaka mori përpjetë oxhakun, hoqi opingat dhe drejtoi nga zjarri tabanet e lagura.

— U plevitosa, beson? Në Mallkeq e gjeta...  
— Çfarë?

— Difektin. Ishin përdredhur dy tela...

Petriți zgjati duart e vogla drejt flakëzës e luajti ca minuta me të. Mundohej të rrëmbente një grusht flakë.

— E di përse erdha?, — tha pastaj.  
Fatmiri e vështroi drejt në sy.

— Jo, — tha.

— Kemi një hall dhe vetëm ti mund të na ndihmosh. Më kanë thënë se bën vjersha. Tani, përfestivalin, na duhen ca tekste të reja këngësh. Si thua?

Fatmiri u mendua.

— Do të mundohem, — iu përgjigj, pa e parë drejt në sy.

— Tani... ti e di vetë. Ç'të të mësoj unë! Jo dritat, jo shkolla e re, jo gruri që vitin e kaluar u bë si asnjeherë tjetër, jo bagëtia... Punët e fshatit, me një fjalë! Se ishim shumë të varfër dikur dhe tani kemi bërë shumë.